

兩
浙
輶
軒
錄

兩浙輶軒錄卷十二目

姜宸萼 查嗣韓 楊中發 陳汝咸 唐曾述

邵元觀 盛宏邃 王鵬 何石雲 黃祐

馮法唐 陳清鑑 孫宏 王士駿 張美文

浦越裔 顧仲清 李元繡 沈翼 林之枚

張雲鶴 沈岸登 葉映樞 胡慶豫 魏世馨

韓雲 臧廷鑑 董懋昭 董友松 董繩烓

董元烺 董永烈 董峻 董燾 董學燾

丁廷枚 鄭性 梁文濂 蔡升元 董正國

葉士俞 沈景濂 胡介祉 周炳曾 田易

俞公穀 章照 孟騏 蔡琳 來式鐸

盧士儁 林兆斗 陳麒昌 姜雲 王雲路

朱鴻增 顧悅履 曹三德 張鉞 仇廷模

楊景璉 鄒直夫 沈周世 陳善 周敬

章達 鄒淳 錢枋 陳衷愿 祝懋誠

孟鳳苞 陳珪 陳允恭 陳廷綸 沈樹槐

李士模 裴璉 鄭渠 錢瑛 沈岑

沈光祀 翁必達 孫忠楷 諸璧發 丁詠淇

嚴曾采 倪廉 謝聖堅 朱有志

兩浙輟軒錄卷十二

督學使者

姜宸蓀

字友棠，慈谿人。宸英弟。康熙甲子舉人，著望雲詩集。

姜宸英望雲詩集序畧曰：舍弟友棠詩初學香山、義山，已乃漸染渭南，其類然自放處絕不類少年意度。予

時以老杜詩律格之友

棠岸然輒有以復予。

袁鈞曰：姜宸蓀有詩名舉

孝廉，授龍門知縣，未任卒。

秋日思歸

舊病新愁逐日加，經年漂泊客天涯。
市爐煤火晨炊餅，官路霜刀夜劈瓜。
儘有車輪兼馬足，絕無春色況秋花。
征鴻猶解投南去，底事癡頑不憶家。

曲曲闌干疊疊軒，吾方蓬戶視朱門。
安知世有將軍貴，正喜人無國士恩。
多事寄書占到否，不情逢客學寒溫。
何當十畝桑麻側，赤腳蓬頭獨灌園。

雨霽書懷

晚虹殘照映階除正是連天暑雨餘碌碌依人畱薊北昏昏與病到秋初吟詩欲就忽思酒待僕不歸還讀書只有一端

難自遣鄉關音信十旬疎

查嗣韓

字荆州號阜亭海寧人康熙

海寧州志查嗣韓家赤貧過時而學不知有司尺度族叔繼佐獨歎爲未易才補諸生旋入監十三年不拆家信單精誦習夜分欲睡輒舉火灼兩臂至無完膚康熙丁卯以五經應順天鄉試故事士占一經自明代顏茂猷譚貞良以五經進士稱嗣韓突起問簪至乙酉遂設五經中額寶自嗣韓發之俞賈華曰查嗣韓少夢神人示以詩有五色雲中第二名之句

喜德尹弟復甯

小時燈火夜常聯此際依然客裏天努力且加分俸飯叩甕猶有作碑錢雨聲綠樹踈窗外人影青燈濁酒前他日鳳池

仍握手也應迴憶倍纏綿

夏重移寓有感

意外翻驚此會奇對君因憶送君時已愁歸去應難出豈料
重來轉易離半截路東纔埽徑上斜街側又聯詩只餘綠樹
沈吟坐多少淒涼病骨支

楊中發

字美含一字懷日海寧人康熙丙子舉人著亦廬雜詠

魏橋霜行

繁霜密匝綴瓊枝霧鎖前村到始知一片模糊天近遠畫猶
難似況於詩

陳汝咸

字辛學一字悔廬鄞人錫嘏子康熙辛未進士官至大理少卿著心齋集

袁鈞曰汝咸成進士選庶吉士出爲漳浦知縣舊例任糧長者計戶不計田勞逸不均值編審計田定戶以三百畝爲率輸充糧長丁口據舊戶籍有遷居百年而原籍丁糧未除者請令入籍二十年以上收之遷籍二十

年以上除之縣多盜聚七星岡及丹竈山復聚平和山
誘其黨擒盜首餘悉解散海盜有六頭目以計擒其一
申請招撫降其四調南靖漳浦民擁輿遮道不得前夜
半乃微服去至則招降敵山羣盜大興境內河渠擢刑
部主事遷御史疏陳臺灣事宜具防海二疏皆報可累
遷大理少卿查勘甘肅災以勞奔致疾行至固原而卒
曉渡沂水

朦朧斜月曙星殘藥餌和丸當早餐曉色漸分人影亂風聲
未到客衣寒虺虺疲馬愁霜滑約略溪橋怯路難何日故園
茅舍穩閉門高卧日三竿

唐會述

字文則號雷閭會稽人康
熙甲戌進士官廣平知縣

越風雷園先生新柳詩頌聯與查初白楊花
詩春如短夢初離影人在東風正倚闌同妙

征海

駕海樓船蔽遠空幕門吹角起寒風千帆合沓波濤外萬里
聲援指臂中壯士揮戈迴落日將軍橫槊繫長虹民間生趣

兵氛盡願得平夷早策功

新柳

未許靈和獨擅名園亭坐待綠遡鶯春生南陌殊多態人對
東風便有情幾縷斜曛扶旖旎半灣淺水燕輕盈煤花漸老
寒飈急好綰長條餞落英

邵元觀

字賓王鎮海人似雍子康

詩文草創兩子舉人著偶言二集

前書帙猶盈案坐上知交半在門好夢多因春雨後相
思橫空浮水而漁歌傍晚出雲根一帶松杉畱禹廟千
年霜雪憶蘭亭分明蜀錦江初濯彷彿赤城霞起紅最
是無心言更苦看來有志舌空存白髮已容頭上住青
雲仍似夢中虛簫鼓春城百萬家對酒且消燕市月折
霜客路五千里簫鼓春城百萬家對酒且消燕市月折
梅誰寄故園花馬蹄踏去雲根草人影歸來散夕陽五
言如秋聲生竹裏雁影入雲根草人影歸來散夕陽五
湖鳥拖青靄去竹裏雁影入雲根草人影歸來散夕陽五
久交方見底閱世肯多人盜五上春官思鄉懷友人情

旅况備嘗之矣
故刻劉乃爾

述懷

七十衰親尙旅遊幾年甘旨失綢繆三山路杳人何處五柳
門荒草一邱客裏烹魚疑有信愁邊問雁每登樓蒼茫烟水
歸程遠張翰蓴鱸又欲秋

寄鄭任遠

握手南樓思惘然蕭蕭風雨一窗前匹夫抱玉曾三獻貞女
懷清已十年隱隱寒光生劒匣湯湯流水識琴弦別來多少
離鄉夢半在梓山夜月邊

送從兄瀛一之閩

總角論文思出塵蹉跎非復少年春勉支門戶君同我坐守
詩書賤更貧兒女漸多催老至耕桑無計可躬親飄然仗劒

天南去珍重他鄉骨肉身

盛宏遠

臨安人康熙癸未進士官興化知縣

宜園

小池多半細苔封翠羽叢叢个影重古帖時鱗頻落蠹春花
未蕊已招蜂教成鳥辨常來客飼熟魚知傍午鐘愈信清狂
能習慣况兼天分本疎慵

王

鵬

字龍友金華人康熙癸未武進士歷官廣東守備著燕遊雜詠

金華詩錄龍友工詩且善畫有前人筆法今其後人亦工畫

梅花

不與羣芳競甘同臘雪妍那知遲暮意翻得占春先

何石雲

字岱雲號良齋錢唐人也純子由泰順教諭羅賓

郎中著鄂樵堂集

家傳畧曰良齋公居官清慎晚年致仕卜居湖墅與吳石倉馮山公洪昉思相交善初游京師合肥李文定公天稷奇其才命子孚青受業焉一日辭歸省父江陰官舍都下諸名公贈言甚夥

寄懷張秦亭先生

每憶追隨日流光逐逝波宦遊成老大歸計總蹉跎北郭青山近西村夜月多何時遂初服同隱白雲窩

余攝篆寧州命錫兒往迷陽署省母

汝去迷陽三兩程到時定憇倚門情蕭蕭孤騎秋風裏惟有青山相伴行

鳥充山下舊亭臺寂寂朱扉映竹開幾樹梅花應放蕊老夫十月亦歸來

泊舟西泠橋餞別毘陵楊大鶴

草樹新來綠染煙春風都在裏湖邊懶于熱鬧試投足愛向

靜便聊息肩結屋相期娛晚歲歸田同賦是何年酒闌便指
長安路愁聽空山叫杜鵑

黃

祐字鑒蒼號槐堂錢塘人機子一品
謫生仕至通政副使著學吟小詩

睡起偶成

懶于世事少逢迎一榻蕭然午夢清人自無心春自老花多
零落鳥多情

桐廬夜泊

漸覺家鄉遠長途第二程山多惟見樹邑小并無城野渡漁
舟亂荒郊牧笛橫終朝逢底坐還聽鷓鴣聲

馮法唐

字柳門錢唐諸
生著柳門詩鈔

碧溪詩話柳門著詩極多今所見者僅康熙乙亥丙子
兩年之作生平與越中金埴小鄉交最厚金號遠邨又
號春屏卷中贈答屢見其踏燈詞十二首小鄉評云踏
燈詞是竹枝一種過俚則類俗父求其命意別出唯我

門柳

金遠邨雨中來飲酒

寂寞揚雄宅春風一片苔
酒錢貧不省好友雨還來
花鳥閒情在文章生面開
故鄉空蠟屐誰上越王臺

初夏

日照一天雨陰晴不可量
大眠蠶欲老小滿麥初黃
紫燕營巢急流鶯叫樹忙
英雄在寒餓悔不事農桑

廣陵吳子野別十載矣過於湖上飲酒作

汝子復有子安能我黑頭
一尊對老友十載別揚州
身世餘殘夢功名笑野鷗
兩峯蒼翠好相勸且勾留

組袍

咄嗟敝緇袍補綴已十年
下體不掩骭上體露兩肩
隆冬十

二月藉此禦嚴寒嚴寒不可禦北風從內穿路逢挾纈者相視不敢憐

夜館

夜館一燈清寂寞身在故鄉如遠客縮無溫氣酒無力幾回欲眠眠不得破帽青衫年四十蠹老螢乾頭半黑強作詩篇書感激硯水筆凍字跡白

除夕

四十明朝鬢已絲過年有味若兒時牀頭壓歲金錢少次第高吟除夕詩

倒執殘編學讀書大兒小小體舒徐阿甦真是貧家子只索青菰不索魚

那得家徒四壁存一樣寄托卽華軒時寄居外家竈觚逼近眠牀

兩浙輶軒錄卷十一

馮法唐

側何地燈迎竈子孫

也貼團圓百子圖松枝然火且圍爐青柴紅米不須貸歲暮
無人來索逋

殘臘剛剛今夕除送窮何必結船車新春檢歷明朝是兩字
迎春帶醉書

頻年生計累何郎鮑歲暮猶然宿草堂把臂引杯情落落貧
交能久是文章

胡泛同遠邨

水底草分明輕舟鏡裏行山光一雨出春色衆花成酒在愁
時飲歡從苦境生相看唯爾我落拓有同情

折桃花與內子有作

鹽米年年待賣文嫁衣典到石榴裙東方無地堪懷肉只有

桃花遺細君

題畫

翠微深處到門庭仙者三人策杖行大柏長松風到處一山
都作水來聲

春屏行後復得詩一首

多少長亭共短亭一亭相送一亭迎此身安得爲明月照爾
宵行又曉行

踏燈詞

月上層城晚色開十番新曲奏高臺俄聽鉦鼓聲聲緊又是
龍燈隔巷來
前引雙雙是彩旗馬燈對對坐燕姬少年學盡閨中態濃照
朱唇闢畫眉

兩浙輟軒錄

卷十二

詞法唐

新宮橋接望仙橋夾岸星球水底搖烟火紅竿高揭起團團
燒出紫葡萄

圍屏安用料絲張大小珠球亦少光製出新燈工巧絕輕紗
面面簇西廂

獅子熬魚巧樣裁兒童高蠹去還來遺簪墜珥今時少拾得
春蘭并臘梅

陳清鑑

字也堂號疑山錢唐人著疑山詩集

烏石山房分賦得烏石峯前十一松限韻五微同人丁
素涵朱贊皇郭河九莊蘇亭徐孫謀洪昉思錢右玉
錢景舒吳寶崖錢怒白毛大可

路轉谿迴入翠微岳王祠後弄晴暉十松排戶一株古雙岫
攜雲片石稀隔澗蒼霞藏梵磬當門清露滴人衣衲僧曳杖

來何暮月起山坳有鶴歸

悼恬菴

偶因訪道入深山去去東溪竟不還尙有天花飛講席獨留

詩卷與人閒水田衣在雲猶護香積廚虛鉢自閒一別那知

成永訣此生無復叩禪關附斐男和韻十年詞賦主湖山

頂棕鞋夜踏碧松間袈裟雲散龍猶護經梵香清崔亦閒圖史滿囊誰拾取紛紛遺落在禪關

悼王松溪先生

西泠文盛日多士充名都十里一壇坵列邦交螯弧喧張名

與號狼籍玉與珠力辦領袖者不惟賢大夫王君隱北墅海

內知其間太守願識面繞朝傳著書著書亦何求友道非復

初空餘長庚明不與殘月俱惟有霞舉集青雲同卷舒

東坡妙文章性不好棊酒醉客乃達旦勝敗時挂口正性貴

諸俗疾邪反遭詬君雖罹謗傷究莫損名壽夫子不可作今
見牆東曳清風無軟美止水見好醜衆皆惹先生先生忘誰
某影滅光彌遠道存藝何有千載論詩文酒仙棋國手

沈方舟見過雨阻未及酬答先此寄懷

幾度愁懷鬱未開清明風雨又相催桃花濕盡鶯無語楊柳
寒深燕不來禁火豈能妨酌酒踏青何處又登臺挑燈漫把
君詩卷一日須傾三百杯

孫

宏

字衛郊號南樓錢塘諸生著南樓詩存

朱彭曰南樓丁葑園之外孫崇孝行敦古誼嘗北詣燕
趙東歷齊魯沿湘江跨巴蜀遊遊者川餘年所過名山
大川一一寄之千詩晚年以母老歸里備極色養闢小
園蒔花數百種吟咏其間詩或未成夢中猶作吟哦聲

贈顧孝子

孝子名工掄代父從軍運餉贖罪朝野稱焉爰作歌

以贈之

偉哉顧孝子代父出邊關
輓輸萬里上馬去鞭梢直拂寒潭
山大義從軍何勇決少年不惜新婚別終童有志請長纓不
爲封侯慕人傑絕塞重關險阻憑嗟爾儒生弱不勝鐵衣凍
合黃河冰三十六臺霜雪凝惟君義氣蒼穹眷定有神靈掣
雷電妖氛潛匿禽獸逃威風不數天山箭奏凱歌饒遍朔方
王師旋報滅機槍爲問飽騰誰借箸當時孝子名遠揚歸來
拜父成歡聚親拂征袍馬頭住庭前笑語更開樽挑燈細問
軍行處

泊涪陵

山色孤城合林霏入暮斜
雲昏迷過雁江淨落歸鴉作客三
巴路維舟一水涯
長途終寂寞村酒尙能賒

棄婦詞

開窗見明月灼灼當我牀月缺有時滿孤衾何時雙捲我芙蓉帳猶是嫁時粧上有兩蛺蝶下有雙鴛鴦一顧一迴思獨爾尚成行狂夫多薄倖年年傷雙影今秋不可期羞寄秦川錦月落星斗沈和衣強自寢反側夢不成淚濕珊瑚枕

石公子象鷹歌

蒼鷹神俊何獨擅裂霧披雲製奔電金眸玉爪勢軒然一擊萬里飛龍劍雄狐狡兔草間絕大鵬雲中灑毛血嗟爾啁啾鷓鴣雀儔剝啄寧避秋毫瞥八月風高玉帳飄轅門健兒馳獵驕颺爽得霜勁秋骨兀立側腦看青霄搏風倏忽翻鞦上百中何期心有向主人惠養恩已深忍思飽向蒼穹颺

邨行

南畝尋農老東隣問酒家水深村路斷石亂小橋斜野鳥驚人散山榴帶雨花喜聞蠶事好處處響繰車

寓土窰口占

山深殊窈窕暫爾拂征塵飯熟崆峒麥醅新土窟春篝燈堪作伴麋鹿與爲隣多有茅茨舊銜杯問主人

峽口

峽口滌洞一葉橫危巖峭壁兩崢嶸灘聲直上黃陵驛山氣平吞白帝城到處哀猿啼不住無邊怪石勢全傾那知身在羣山裡日暮猶聞鼓櫓聲

王士駿

字逸仲一字秋渚仁和拔貢生官武義訓導著清貽堂詩存

朱彭曰秋渚性倜儻嘗歷齊楚與諸名宿交如王阮亭朱竹垞陸冰夷輩皆交薦云

贈吉人弟

時分守淮安

蒼涼游記問江沱路指山陽發浩歌公輔才名王掾貴弟昆
詩思惠連多專城浯水分霖雨佐郡淮陰駐月波風度翩翩
正年少勒勲鐘鼎未蹉跎

張美文

字子韶號數峯海寧諸生有數峯遺稿一卷

俞賓華曰張美文爲許州知州標少子淹貫羣籍工詩古文尙書許汝霖深重之招入都館於寄園趙氏與諸名流相倡和有國士之目年四十卒

送湯西厓歸里

鳳城高柳拂歸槎夾路輕陰護淺沙作客幾人能得意如君
何事便歸家六橋春盡憐芳草九陌塵多怨落花且去湖山
一放眼不妨冠蓋滿京華

浦越喬

字剛工一字叔功號樗剛嘉興監生著歌發倚

梅里詩輯樗剛本四明人自魏塘移居梅里研貫經史所刻古文曰聊宣稿其詩六卷凡五百餘篇而次韻居

十之七未免東縛拘牽其歿也賦辭世辭
友詩惺然不亂若解脫老僧可謂有養

訓魏禹平送別

萬里之行始夏初先判百里坐炎車心無戀處常輕別身得
安時便可居聊訪重岡修谷境最懷巨口細鱗魚西風倘泛
季鷹棹黃葉灘頭肯憶予

顧仲清

字咸三又字閑山號中村
嘉興監生著扶青閣集

梅里詩輯中村爲文學理戲孫其詩恣肆排弄未免才
多之患善畫人物有臨叩漆器琴操參禪等圖尤善書
蠅絲其孫盡態加以題詠積至六百篇時稱顧
甥其孫秀虎字有堂邑諸生亦以畫蛟名

羸轎三十韻

少長在江干鞍馬未曾學肩輿固穩稱泛舟復安樂往歲北
入都買驟驅薄薄組舞雖未能馳驟頗綽約但苦風霜侵兼
畏塵土博曰歸營羸車意謂堪盤礴叱馭甫就途吁駭猝驚

愕突如箕簸米驟如風搖鐸徐如龜蹢躅忙如蟹郭索譬蝸
負舍行動止猶自作譬蠶繭中藏外忽誰拏攫匪風懼偈嘯
平地疑巉峭直憑蜨弄丸不顧難伏殼軒輊無定準欹側難
捉摸危坐焉所依偃卧安能著卧時頭苦眩坐則腰苦弱左
右稍偏倚罔卒呶且躊更苦蹄一蹶前頓後忽却壺公困一
壺地軸憂揮擢巢公踣一巢木末愁搖落驚禽罹數罟窮獸
窘空橐把卷眼迷離吟詩調外錯聽遠不聞聲隙風猛鼓箭
迢遞經林泉窈窕歷巖壑坐井旣少窺過眼但約畧周道本
坦迤大地亦寥廓與衆同風塵而獨苦騰踔乃知行路難豈
特風波惡下車跨單騎揮鞭騁電霍穩若乘輕舟勁風飽篷
脚

題許參戎魯文詩稿

吾鄉固多才作述無不有前輩乘風流遞代亦已久近司大雅柄惟有竹垞叟振起英華羣觸目皆瓊玖君本詩書裔恥與文士偶俠腸朱郭輕兵畧孫吳友控騎土不塵貫的杯在肘獻策還請纓

彤廷拜稽首授節任邊陲金湯半壁守年少著恢奇誰能測抱負况復工篇章洪鐘壓瓦缶摘藻匪纖穠吐音若雷吼兼長世所希儕輩欲驚走下馬露布才上馬殺賊手

短歌贈李分虎移居

谿南冷寂涵荒色頽垣矮屋蓬蒿仄好鳥嚶鳴谿北來搏空威羽低枝息高韻松風絕壑迴孤蹤豹霧深山匿羣書堆榻聊婆娑酒酣擊壺舒浩歌謫仙嘯傲才鬼訶鑿穿混沌傾天河雄姿伏櫪成蹉跎黃金無光奈爾何谿邊詩魂啼不歇啼

破寒雲泣明月

竹狸

昨遊長安意不懌整鞭將適舒邊城友人語我舒地產竹狸
自昔傳其名飽餐竹萌穴土壤山林俊味從無兩我生遇竹
輒朵頤到來官舍尤勤想歷春徂夏當秋天筍芽未見羅賓
筵居民織簞供寢具養竹不管饒夫涎燕京之筍良難得此
間有筍偏不食苦憶家園食筍時燕來直至蟬聲寂家園食
筍亦尋常客遊二載不得嘗况復腊人之所掌按圖搜索應
龍唐嚴冬藥列雪滿地土人捕得雙狸至伐毛洗臙久乾之
數付中廚蜜水漬屑椒裹麪籠甑蒸膏瑩膚細玉不勝炮羔
炙兔那得比纖刀薄切如春冰主賓浮白圍爐聚筯急盤空
興未佳博物應從口腹誇食罷還將食經註我聞狐狸之種

繁有徒憑妖逞怪依城隅忽逢田犬殘其軀昇之司裘當厥
辜汝形類狐性閒適竄迹叢筍作逋客似乎與世無嫌隙人
發殺機汝罹厄吁嗟乎木以不材全其形雁以不鳴且得烹
材與不材誰得免吾亦爲汝稱不平土人捕汝又有語疏味
如筍誰與伍人不得食汝恣取渴飲竹漚飢啖芽戕賊此君
甚斤斧貍乎汝饒敢與太守同涓川干畝藏胸中我饒不用
苟燒肉賴汝不瘦亦不俗

落花

春色無端去已賒隨波萬點碎明霞光陰片刻皆堪惜那得
閑情賦落花

蝴蝶

四月紅芳見已稀楊花如雪點漁磯滿園淨綠無人愛只有

南風蝴蝶飛

李元繡

字裳吉號斐亭嘉興諸生

賣研

先生貧至無立錫一身形影空相隨老妻解事已前死癡兒
落魄何能爲蝸廬瓜剖券屢寫默許他人寄籬下爬羅箱篋
倒瓶罌一片猶存魏宮瓦此瓦傳來千百年高臺突兀清漳
邊英雄兒女兩寂寞惟餘零鬢支荒煙昨冬客擬江淮去夜
遣長鬚私致語手集禿管併殘編此物差堪借前勛我憐豪
士困泥塗時當遠役多崎嶇悠悠誰是知心者傾囊聊慰千
金軀只今老去百無用六十行年腹空洞回思往事杳難尋
榮辱升沈付春夢顧茲片瓦出塵沙光騰閃閃兩眼花向歸
芸閣安石几墨池定許生雲霞甘泉拭面同咨嗟甘泉長生亦

良

沈

翼

原名敬字習之又字寅中號鑒

梅里詩輯業哇居喪盡哀甘露降于室廬藟蔓者三庚子秋聞同學故人以第一人拾之謝不與試可謂孝潔最工書法入分雄宕篆刻高古絕倫行草亦精妙詩本家學又爲竹垞太史入室弟子

靈威洞

靈威古洞天圖經名第九出入地肺通玲瓏山骨剖其外高巖另其中路窈窕糾情哉仙靈去隔凡今已久尙有好事者探奇思冥叩仙風紛撲面石筍或礙首香爐及石牀制作自誰某觀者詫靈奇信謂神仙有詎知跡已空窟宅神不守誰能祛其惑勒名置谷口

包山寺

山行日亭午理策叩僧關寺門入九松蒼翠不可攀于焉思

拾級古砌苔花斑東西兩石幢鐫刻何精嫺細看石上字乃知會昌間惜無好事者饗揭流人寰山僧解畱客相對皆蒼顏爲愁上方坐茗椀相牽扳夕陽下西嶺欲去情彌慳

游西山登縹緲峯絕頂

傳聞西山峯縹緲最雄獨晨興飢山根遙睇若新沐蜿蜒升層崖屈詰屢蒲伏山行不知疲百折忘才予忽焉凌絕頂衆壑皆可掬對此萬象浮彌覺人世蹙飛鳥有遺音旋風若轉轂吹我敝褐袍毛髮久爲縹青雲如可梯吾其謝塵俗

賦欄李

木果枝宜擣文從許慎詮雙林初地得三里舊城遷嫁候迎春始岐分餞臘先玉衡星散後露井萼舒偏日至園方收陰疎實易舉味甘梨乳其核小蘭絲懸尙憶吳宮豔曾浮越水

船爪痕千古在入市合輪錢

林之枚

字木文號松亭又號錦石山樵秀水監生著龍江集

梅里詩輯松亭父逸華里中老塾師也能爲古文所著有鈍齋集松亭少有才名周簪谷遺以書戒其恃才自足詞甚切直所刻合集入卷皆駢偶之文龍江集七卷古今體詩悉備二集文藻斐然而乏精警有揮灑之能

長歌行贈鹿牀居士

空江五月雨漫漫蒼煙白霧封禪關策杖相尋高士宅探奇
乃至青芝山青芝山色翠嵐重鹿牀居士巢雲松耕鑿不因
時俗變衣冠頗有古人風陰崖石室舒懷抱枕石漱流情自
好簾外雲生幾度看庭前花落何曾掃葛巾野服思悠悠佳
趣欣同支遁遊求羊但許來三徑軒冕常羞揖五侯侯門彈
鋏久蕭瑟竹裏歌聲出金石短短蓬蒿仲蔚居青青楊柳陶

潛宅披雲拂石卧烟霞門外時停長者車客至嘗傾彭澤酒
貧來每種邵平瓜謝公本是烏衣客偶向東山聊寄跡羨君
邱壑自流連愧我風塵久行役行役猶然未著鞭青溪白石
且盤旋蚤晚山中叢桂發挂帆須放五湖船

東流道中

江岸東流縣潮痕到郭平村春山外急驛火樹中明土壤仍
吳境風謠雜楚聲夜深乘月過最喜片帆輕

張雲鶴

字紫田海鹽人
著抱山詩鈔

絕糧歌爲山陰女士張貞烈作

乾坤剛正氣萬古不磨滅士秉爲忠俠女受作貞烈歷覽彤
管篇巾幗多英傑於戲張氏婦大節南雷峙性辣合銘椒思
清善咏雪君子志四方遊遊抵黔粵織錦寄相思弱機成學

業歲久當來歸孰知竟永訣痛之掌上珠淚盡心中血三江
渺無際五嶺何峨嶻望之眼欲穿招之魂隔絕仗義涉波濤
拚命臨機隄盪雨沐蓬鬢蠻煙紫荳經擔囊蒼頭奴半路力
已竭同行惟老嫗扶杖共蹉躓扶得一椀回恨解千年結舅
姑葬亦安子婦職無關拂鏡寫真容手書遺小姪弗爲溝瀆
計預備鴛鴦穴身不願獨存閉戶糧自絕旁人勸加餐執意
如金鐵旬餘忍餓死正命非短折玉埋體仍完蘭焚香不滅
辱焉閨閣姿偉矣男兒節慷慨比先賢從容邁前哲作歌示
閨媛時時當誦說

同洪冷齋天眷又韓崑圃滄嶼諸昆季縱飲古墓間

落日懸青松春風吹白楊不知誰氏墓爲我歡樂場開襟坐
碧草挾瑟調清商酣歌弗覺暮暢飲那論觴富貴有定命何

苦日奔忙神仙亦虛妄駐世豈久常生前不快意死後徒悲傷痛彼泉下人骨朽已千霜

重過張正皆書齋

我困塵中市君居郭外村重來迷野逕獨樹認柴門壁續新詩草衣留舊酒痕秋花顏耐久相待更開樽

沈岸登

字厚九號南亭又自號倚耕村吳平湖人著黑曉齋詩鈔四卷詞一卷

陳焯曰南亭早歲賦遊垂四十年所與交者若錢唐龔田居長水朱竹垞父子及李挑鄉外會無幾人所著詩

集外尚有春秋絕異及詞賦小牘等種餘事善書

錢仁榮曰南亭性恬淡短褐蔬食屢空晏如性耽泉石不求聞達有文衡山沈石田之風生平著述半在遊屐

詩詞皆雋妙兼工山水

送借山和尚結茅匡廬兼爲作圖

上人廬山去索我廬山詩吾聞廬山峯頭有五老未曾謀面

心相期蒼烟羃歷入我夢艤船似到宮亭渚正是山僧炊飯
熟五百個寺攢蜂脾東林古杏千樹赤十里五里花風吹於
菟已逝不復守杏子沒脚仙人遺泉珠迸石撥苔看忽然手
落青筇枝上人去踏香爐頂蘆綿荻絮裘寬緇重陽又過風
雨數白藤笠子簷深垂山中黃葉盡覆地應笑借公來何遲
爲道廬山圖未成圖成不肯輕相貽我非慳此粗水墨苦心
位置山茅茨湖上悠悠秋水白紅橋疎柳長短絲却憶并州
官閣裏明燈對榻爭枯棊

憶湘湖

菱葉初肥稻葉黃茅椽八九在中央日斜驅犢色籬外水落
叉魚畧約旁雲陣半浮山面白竹風時作雨聲涼秋來更有
牽情處紫蟹黃雞恣意嘗

大洪絕頂憩白雲菴

到此能無住松龕雲際居僧聞容借杖衰減盡拋書綠壁蝸
涎似剗苔鳥跡餘白頭真笑汝托命一復輿

秋暝

木葉落未歇秋村欲暝時荻花圍細艇鳥影定寒枝野色茫
無際離居有所思百端於此集不是爲秋悲

正月四日過竹垞曝書亭

先生結茅五畝宅野削圭角摹圓菴簾鉤不設闌旁牖意取
疎快無包含竹垞有竹桑百本竹可學釣桑宜蠶桑稠竹暗
樂事多興來小坐青簑籃昨年三館開史局收拾掌故比彭
聃朝衫典了買書讀譬若卯飲申猶酣官貧馬瘦骨如堵載
以穀鰥耕牛驂歸藏長水懸車側越縑和帙藤和函六經攷

義手一卷疑闕亦許箋疏參過眼書無未見者晚年好古夫
何食長安故人屬問訊謂我一餉展齒詣封題與寄草堂詩
詩到先於人日三梅花疎影數幾樹小鳴船繫荷花潭春畦
生菜掀土坼雪鬆雨滑霜加甘堆盤忽憶青門事黃芽市價
敵魚鰾沈思聚散但華髮回燈照見頭鬢髮安得餘日負耒
從拓地盡種梗與楠亭前並起六峯閣閣外葺我團茆籠一
日一過一載酒一回一醉相諧談鵲山遊子并寄語杏花春
雨歸江南

鵲山遊子謂西晚杏花春
雨先生所擬山房額也

葉映樞

字柳田平湖人之
洪子著秋心集

陳焯曰柳田工於詞爲諸錦款賞
有十二影詩陸奎勳亦深服之

雁影

忽向秋空下非同水上鳬密雲遮不斷寒月照同孤字跡迷

征戍霜痕落渚蘆
人猶有慕繒繳悞投無

胡慶豫

字遜來號東坪平湖歲貢生著杜詩集注東坪詩集八卷

錢仁榮曰東坪少日尚攻今古文游江西時與里樓邵子湘洪都彭元叔交始學爲詩

登庾公樓

凌虛極目處落日照孤城
野埃殘花色春濤舊戰聲
風流成往事憑弔不勝情
爲問南樓月何如此地明

武關

迤朝觸雪行客意殊奔曠
驅車歷武關馬尾日初上
雲氣淡澄江晴光烘疊嶂
探奇趣有加履險神益王
迤邐轉山腰林麓森相向
柴門傍水開魚網因風颺
曲澗通危橋悠悠隔塵埃
愧無邱壑情浩歌聊自倡

過常州懷邵子湘

舟泊梁溪月上時坐聽晚寺遠鐘遲疎林鴉陣烟中見隔浦
漁燈樹外移剩有銅花能吼匣攜來玉友且盈卮將翁逸興
知何似山閣風清自咏詩

魏世馨

字可儀號餘村長興歲貢生開禧
子官石門縣訓導著嘯軒吟草

采若編先曾祖於書過目成誦下筆數千言立就慷慨
向義前進士蔣某貧死無嗣購地代營窆多歲歎鄰某
驚其妻厚給之使復完家他若助昏嫁恤貧獨難
罄所藏不少吝亦不望報至今故舊能稱道之

贈陳鶴亭學博兼和同遊碧巖得遊字韻

生不顧爲關內侯貶脂削脯非吾儔豪氣未除湖海士安得
同卧百尺之高樓先生乃是太邱裔權奇倜儻饒風流龍文
健扛百斛鼎狐腋美萃千金裘勝情兼擅濟勝具六橋佳句
奚遺收一朝來秉若下鐸披帷頓豁雙青眸夙聞吾鄉山水
碧巖最良辰訂約同探搜珠簾倒捲瀑布挂摩崖大字坡公

畱遙遙上與天語接俯瞰具區吞三州七十二峯互明滅莫
釐縹緲東西浮先生顧我稱快絕乘風徑欲凌滄洲須臾長
嘯下山去禪扉小憩林巒幽琪花璀璨瑤草淨壽藤擎攫蟠
蒼虬攜得煙霞歸冷署夕陽孤棹重登舟世間此景大都付
與閒散其領取試問選官場裏更有幾輩能來遊

韓

雲

字自爲烏程人純玉次子著怡園詩鈔

徐傳叙畧曰按其前作惟天台記遊一卷除皆不錄而
所存者特遊台以後之詩余詢之則曰某前生天台訪
廣寺僧也故所存自此始

宿弁山王氏清音堂

兀坐千峯暮風生萬籟俱微聽觸處有著意一時無天語閒
高弁濤聲走具區草堂畱信宿清夢不曾孤

徐陵云高弁蒼蒼天語可聞

臧廷鑑

字受道號道山長興歲貢生

湖州府志迂鑑爲懲中曾孫八歲能屬文爲人淳懿端
方廉而好施予通經學古汲引後進以明經終老晚年
遜山陰訓導不
赴年八十八卒

壺中十二峯

坡仙愛異石九華東壺中欲與仇池偶百金買玲瓏南還意
不遂慨歎寓篇終今我來禾城愛石慕遺踪邂逅得此石髣
髴坡詩同雲根蒸旅館山骨載孤篷五峯屹然峙七峯相長
雄誰言不可轉面而皆寵崑崙合之十有二羅列屬天工憶昔
登白嶽五老高嵒空跼蹐想其下繡壁削芙蓉尋復之江右
匡廬闢鴻濛迷離見五老笏立各西東袖之不容易葫蘆安
得容又聞粵西山仙境正崆峒中有七星巖峭峩眩雙瞳分
置若斗杓照耀北樞其昔我曾大父宦遊播清風小子慙繼
武追溯淚填胸胡爲來此石江粵兩相通磁盆湧君山杯水

簇穹窿居然峯十二峯粵洞庭逢舉似李正臣茲石多三峯
恨不呼坡仙同問米南宮

董懋昭

字鑑手歸安陳生誦
補子潛齋遺藁

賈似道墓

南渡謀國無良圖荷花桂子爭游娛江黃秦韓及丁史姦邪
相繼秉國樞末年托國更可怪師臣上殿禮絕殊襄樊危困
蜀殘破剩及肢體非肌膚內修政事外戰守尙恐孱弱難支
吾遺民有幾忍鞭撻州縣更督公田租一聲白雁亡已兆踞
關蟋蟀方歡呼國亡自是人所致江湖不至其奚辜木棉一
死差快意猶恨未伏司寇誅何年興尸返故國朽骨更遣青
山汗蘭亭眞跡不可問玉顏注酒悲穹廬杜宇嗁歇冬青死
林唐遺跡空榛蕪誰知老姦獨天幸墓門猶轟山之隅興亡

已屬異代事落日懷古增踟躕

立誠閣西偏萬石林立玲瓏瑰異不可名狀晨夕相對

聊成短述

境僻絕人事羣山莽迴互其西峯更佳一一山骨露伏如龍
蟠泥昂如鳥引唳雄踞如蹲獅斜趨如走兔却立者如讓爭
先者如妬嫵媚者如欣竦凸者如怒或平如削玉或嶮如懸
瓠或獨竦而立子子絕依附或互爲犄角簇簇相觸悟豁間
徑忽成欹側崖欲仆嶽崎駭遊目犖確礙行步余性耽邱壑
厥疾已成痼生平遭束縛展轉烏在笈斗室牆四周雙眸昏
若瞽今來遂失喜異境天忽付注視不容瞬晨起輒至暮吟
詩豈必佳山靈或無忤

董友松

字高容烏程貢
生著鏡園詩集

兩折嶠肝錄

卷十二

董繼昭

董友松

汪淮曰董友松貢生贈遵化州知州
其爲詩高澹雋永在中唐南宋之間

贈內弟蔡眉瞻

賦

結契世情外蕭閒獨有君
窗明數點石戶狎半山雲
得意琴書靜忘機鷗鷺羣
懸知蕉雨夜幽思滿秋芬

九月三日益齋小飲

閒亭秋水思依依江北江南共夕暉
鴻雁不來空有夢鱸魚正美未言歸
風前砧杵寒聲起笛裏關山心事違
賴有湘君頻索酒玉琴鼓罷露沾衣

董繩烺

字全夫烏程監生著餘事集

題齋壁

二間茅屋傍溪灣一徑蕭條斷往還
貧以讀書爲事業人因多病得清閒
欲邀明月夜剛竹偶博安眠晝掩關
此地應能

長避俗門前只欠數重山

董元煥

字晨細烏程監生

野泊

因風貪遠程卸帆及昏暮村犬吠生人漁燈引迷路

董永烈

字階芬烏程諸生著聽雨軒詩草

暮春卽景

柳拂長隄萬縷烟亂紅飛盡暮春天晚來雨過清溪綠半樹

斜陽繫釣船

董煥

字初暉一字東有烏程監生著聽雨軒詩

殘夏

屈指伏將盡瀾漫雨又催蛩聲收暑去雁語帶秋來三徑就
衰柳盈堦漸老苔西風且莫至讓我菱荷開

董 燁

字承一又字承餘鳥程諸生著蝸廬小集

冬日寒甚因懷文若

曉來寒氣轉侵淩到處琤琮打斷冰遙想詩人搗襖被短衣

破帽過西興

董學齋

字景仁鳥程諸生著止齋詩集

十月六日野泛同謂瑄弟

挾伴尋寒景因過水榭西稻收平野曠舟礙小橋低牧唱晴
迥響村灣路轉迷近來連日雨溪漲却平隄

村居雜興

愛向郊原望餘功開一村籬間收蟹婢籬纖限雞孫秋草霜
滋綠茅柴酒帶渾經過人跡掃祇有月臨門

柴扉與市遠清景頗安便細雨秋將盡重陽月欠圓山高初

落木屋老半頽椽更有移情處漁歌響暮川

病起卽事

每於三伏命堅頑枕上支離百不開
舊卷久拋緣目青藥寮時近得身閒
醫應難理愁中疾酒不能紅病後顏
聞道昨宵秋雨漲當門野水瀉潺湲

丁廷枚

字二陶晚號嗜閒老人長興貢生著北征漫錄杏花軒詩集

陳焯曰丁廷枚爲前明鹽卿元薦從孫少隨父璟宦游大名與胞兄爾俊同出贊善蔡公政傳門下公以雙丁器之入成均考授州同知未赴職以爾俊提南宮官曹署達歸養性耽吟咏尤擅繪事晚居湖濱栽花竹以自娛

山行

頻年席帽走塵寰雨雪前途去未還
古樹寒鴉千點散荒菴老衲一身閒
澗當曲處聲偏壯馬到疲時路轉彎
最是雲深

村犬吠水輪大半已銜山

雜咏

僻居終歲少良朋兀坐蕭齋萬慮澄肉味久疎非佞佛鬢毛漸秃未成僧偶行曲岸觀垂釣閒向清溪學採菱消遣日長惟此計其餘世事一無能

鄭

性

字義門一字南谿慈谿歲貢
榮子著僅真集南谿偶存

吉祥禪院同東門漁谿韞山宜槐限韻

禪悅繁阿才共出吉祥絕巘又來登不知大地歸何處試看青天隔幾層投宿一空山上米題詩頻徹佛前燈放狂故態除難盡驚倒深林太古僧

梁文瀛

字次周一字蓮峯號谿父錢塘貢生官諸暨訓導
著桐乳齋詩集十二卷後洋書屋詩鈔二卷補遺

一卷次周餘句
卷鳴盛集一卷

杭州府志文苑傳文濂以子詩正貴累封光祿大夫鄉
里以達尊相推重而文濂讀書樂道依然儒素春秋佳
日于六橋三竺之間賦詩飲
酒劇談往事詢此邦文獻也
杭世駿桐乳齋詩集序畧曰錢塘梁先生穀父自其年
壯時南浮衡湘北抵碣石踐歷嵩華迴旋宋衛之郊舟
車刺促崎嶇登頓壹以詩爲
職業故道力愈充性識日廣

卽事

梧竹春深一徑斜
差排幽事興無涯
日晴徧下雞冠子
雨過閒栽虎刺花
菰米羹香傾熟酒
乳泉珠噴點新茶
柴門岸幘蕭然遠
數處雲排擁暮鴉

金冬心有邗江之行詩以送別

做裝何事去揚州
頭白歸人休未休
懷刺定應尋舊侶
開尊正好試新篘
風沈翠柳高旻寺
月碎金波多景樓
詩社不教成寂寞
遲君柔櫓返林邱

同人於放生池開詩社

聯袂游行趁曙暉西冷橋外入沙飛老鴉棲到樹頭禿秋蜨
生逢花影稀客思苦因詩有壘魚情樂爲釣無磯山僧解事
如齋已許我重來叩竹扉

蔡升元

字微元號方麓德清人啟傳姪康熙壬戌進士及弟第一人歷官禮部尚書著紀恩詩

吳興詩話蔡大宗伯入直館閣矢音六義言暢意美卓絕一時徐宗伯題榮歸圖詩金字頭銜瓜裏銀章不世業掌絲綸算來十二年間事再見龍頭第一人衫服趨庭書錦遊粉榆驚動萬人眸休誇馬上仙郎少翁嫺堂前尚黑頭朱竹垞題云記臚句臚已十年詞頭草罷擘宮殿不知才子齒孩後鎖院何人下水船又早朝圖陳澤州王漁洋徐賓村胡南荅朱竹垞高江村查他山俱有題句

傳臚曰作

入對

彤庭策萬言句臚高唱

帝臨軒

君恩獨被臣家渥十二年間兩狀元

董正國

字次歐鄆縣歲貢生著棄餘集

續耆舊傳先生詩學杜文學韓前輩如錢退山宗正巷周肥公舒後村皆賞之袁鈞曰董正國少從世父劔鐔學詩工古文尤精六書之學謬謬自許不同一世

田家夜發

明月在天霜在地月中霜氣交凝寒戍樓四聲五聲鼓谿路
千尺百尺灘孤舟逐水不肯住滿載雞聲出煙霧茅屋深林
卧者誰門前已有人來去

擬讀曲歌

歡性多顛倒來去不可知五月黃梅雨有晴無幾時

三餘草堂雜詠

中庭種芙蓉綠葉田田長過時花不開無由得心賞花開有
幾日色與香俱往何如此未開猶作後來想

葉士俞

字熙臣號鶴皋又號朴林居士慈谿人著綺霞閣詩草

遊隱山書院限韻

何處可逃俗攜樽過石屏湖分霜氣白山入酒杯青斷碣蒼
苔蝕重門野霧局梵鐘雲外度清絕草元亭

病中

卧病文園夜孤燈聽曉籌雞聲如妬夢蛩語亦含愁道路輕
千里風塵闊九秋片心隨皓月流影到明州

沈景濂

字會中鎮海諸生從約子著還齋初編二編

詩文草創小傳沈景濂父子能詩而俱早世詩在還齋二編出入於晚唐宋之間七言如天爲惜花晴景日人緣覓句略過程桃花飯幣分年色竹葉醪傳隔月清芳草有情花自落畫梁無語燕空歸五言如亂蛩吟月苦

寒雁叫霜清
寒深弔月樹老
慣吟風天然
秀色不染一座

元日

老屋三間賃向人
寬閒心地小乾坤
好花多種百餘本
濁酒同傾三兩樽
底用笙歌娛白晝
儘教兒女鬧黃昏
此中已有經綸在
不待徵書到華門

胡介祉

字循齋號茨村山陰人宛平籍兆龍子

西河詩話予兩觀約矣泉一在乙巳一在丙寅皆辨明
驅驟急觀便行不能名有詩後至舟中讀胡少參隨園詩
集有過約突泉詩歷下名泉稱約突浪花奔湧雪花開
何知十六年前客今日看泉怡又來爲之悵然少參爲
山陰少保公哲嗣其詩盛爲當時所推吳門汪編修卽
少保門下士生平以宋詩爲宗其序少參詩曰詩莫盛
于唐莫盛于開元天寶之際杜子美李太白王摩詰其
尤學所師承也胡子詩其能宗太白摩詰而得其正者
數則少參可知矣

會波晚照

兩浙輜軒錄

卷十一

葉士俞 沈景濂 胡介祉

七

高天起暮寒殘陽下空谷遠塢與烟浮邨邨返樵牧流水遶
荆扉深林啼布穀老農樂年豐一犁春雨足

過武勝關

萬山連不斷斷處一關通馬踏殘烟裏樵歸落照中晚雲平
古道霜葉舞寒風不盡天涯思征鴻點碧空

周炳曾

字子固號一山
臨諸生著南嬉集

和王敬止朱開皇二月見蠟梅初放

炎南冬月猶霹靂驕陽不收蛇蚓出梅花作雪片片飛南枝
已結青青實守貞待字惟蠟梅涼州打徹那肯開羊城冉冉
春過半暖風忽送孤香來點酥始信天工巧燃蠟寧煩女手
好投荒倦客味頗如意外相逢苦不早吾聞牡丹亦是江南
種虎邱水仙真骨董一歲搖將一歲看未識何人始作俑又

聞年來朔地多南風
荔支漸入蓬萊宮
燕都三月春如海
亦有素馨之白扶桑紅

浴日亭觀日出

昔聞太山日觀羅浮峯
夜半躍出車輪紅
今來扶胥章邱上天鷄
一叫海波蕩潮頭半吐血
珀山須臾赤圍三十丈
此地見日日較大海天空闊
目無外此地去日日較近
不比日觀羅浮下視八千仞
陽蟲之宅木嶠夷祝融羲和位
竝離南海神祠亘古在高臺
浴日畱遺基人言日初氣涼冷
中橫青色扶桑影火生於木理
或然非同小兒說金餅我今諦視無疑
差尋搜天根若木之萌芽
桑榆晚晚恒太息魯陽揮戈徒誕
誇安得吞咽日精與月華
要使五臟生丹砂

歌舞岡懷古

越秀之峯萬山主老佗定中啓疆宇越王高臺天半柱平綠
岡頭妙歌舞人代變遷如過雨歎息美人化黃土只今數聞
父老語五層巍樓卽其礎樓中六月無寒暑下視行人吵豆
黍近歲羊城禁歌女此風流傳自往古化行俗改非東魯強
令過之無乃腐時清不聞里巷鼓暮山空見彩虹吐

田

易

字易堂山陰諸
生著快秋齋稿

重九日梁幾汀太守招同邱稼堂李寶箴楊正百宋美
公高頂寺登高聽美公彈琴

遊山如讀書開卷便有益城西跬步間一望山可卽古寺結
層臺疎林淡秋色僧閒長瑞葉暗數遊人迹使君永嘉守歲
費幾兩屐賓從皆雅流佳晨展良觀遙山自起伏近水涵深
碧幽響發孤桐相賞在泉石悠然清五內妙處非指力高會

誰能常記茲歌主客

題摹本壽元暉雲山得意卷

一山近寫兩遠出山自卓立雲四馳其間隱伏山無數總以
白雲爲合離盡雲爭似畫山好雲耶山耶畫不知山窮林現
瀑水落却有人看雲起時元暉昔題得意卷神王妙契匪所
思後來臨摹近百本此最秀出爲得之嗟哉雲山自終古真
者不如畫者奇踳跂雙足踏塵垢披圖欲往寧非癡

俞公穀

字康先號鞠陵會稽諸生著耐園詩寄

柳亭詩話

吾越詩人自朱明諸毛奇齡主持風氣不落訓詁窠臼沿及近日唐音不可問已若俞鞠陵之荒村

藏遠樹野火送行舟飛花流浪滿孤艇就煙樓謂非元

和之法派乎至若卧牛斜睨客倦鳥獨攜雛到得無花

看力知作客真一述明月連花白幾處家山入夢青遠

道無書分客夢青山有約記偶期迂驅遠雁長風急亂

踏隣園野客頭側爾會心開拍手忽然得意獨窺雲

連海氣開天白風亭秋聲入樹相尤可曉諸永嘉四靈

雨折檐軒錄

卷十二

四易

俞公穀

三

之上非優孟於蘇
陸者所能彷彿也

忠州

古來力守三城地
寵錫嘉名迥不羣
過客猶思唐宰相
居人盛說漢將軍
樹憐秋瘦深環郭
山愛爽輕忽贈雲
歌管樓臺隨處是
至今誰與白家分

章

照

字二儒會稽國子生

越風二儒春草詩其詞斐嫋其意
平綿託題打寫於言中言外求之

春草

濛濛烟霧總模糊
霧散烟銷似有無
峽蝶飛來春滿地
鷓鴣啼處水平湖
豔鋪花片畱香影
秀襯苔痕入畫圖
近日人情同曉露
上山不用采蘼蕪

孟

駢

字敏度號藥山會稽
成貢生著寄莊詩集

越風荀莊先生爲三十年前父執少時聞其緒論以窮理讀書爲尚長於七律卷軸之氣甚華與芝田廣文伯

仲之

村居

陰雨連宵未出門偶過野岸立黃昏雁鴻過眼衝波沒鷺鳴
沿溪爭渡喧榔樹欹斜長繫艇茅檐零落不成村歸壑乞得
鄰家醞篝火將燒籬竹根

仙霞關

閑關何年始天工屬巨靈中峯臨北極勺水視南溟霞落重
關赤雲歸萬木青憑高還獨嘯天籟與誰聽

七寶林弔倪鴻寶先生

元禮龍門正里居浙臣特起議軍儲巖巖擊賊司農笏烈烈
誅奸太史書樽酒孤臣酬壯繆哭庭大義付包胥文山不得

黃冠老愁向星壇聽步虛

蔡琳

字子佩
會稽人

紹興府志琳生平以詩酒自娛時花壘石極園林之樂山水喜倪董兩家峯石多雨點及芝蔴皴林樹皆墨葉

不作枯株

弼望芋眠
毛奇齡蔡子佩詩序畧曰子佩具絕人之姿不事攻苦

輒能爲文章詞賦歌咏議論卽下及書數繪畫博塞游娛之細無不意之所至手目必達而特其所爲詩則若有冥心求異博覽取勝獨非才分所能到者

壽王丹麓先生

高卧邱園五十春
衡門晝掩綠苔侵
人知鄭樸清風久
誰識王符著述深
對客曾無衰鳳嘆
臨流時有樂饑吟
佳辰正值青陽候
萬樹桃花映玉琴

來式鐸

字素臣號木菴嘉山監生著樹廖集

毛奇齡著廖集序畧曰木菴含英咀華恬退不進取居栲源鄉樂與樵漁農父相晤對發爲詩歌雖處困頓中

而風采燦然時露色相固
非齊梁軼袴之所能及

早春同趙大遊靈巖山

東風初吹柳條綠映入吳王舊城闕
來生偃蹇走風塵開正
又試春遊襪姑蘇俠客趙孟謀
善吹孤竹彈箏篴高情酷愛
山水趣爲攜六博相追遊
平船緩棹長洲水木瀆遙看酒宿
起靈巖山前艸木青云是當年
館娃址長松夾道翠欲滴怪
石摩雲倚空壁雨佩風箏響屨幽
石路依稀美人跡長風牽
人莫歸來攜琴更上彈琴臺
洞庭雙闕渺雲外具區一望蒼
天開我懷古人重歡情吳越興
亡如覆奕纔聞西子入吳宮
又見姑蘇長荊棘君不見江山
萬代春復春新花開處復成
塵閭闕本是繁華客此地從來
是主人

盧士儁

字彥生號慎旃東陽黃生官新城教諭著詩論二

兩折論肝錄

卷十一

蔡琳

來武鍾盧士儁

三

吳之器跡雖集序畧曰余甥彥生爲詩古文辭皆以自
喻適志取境必真未嘗蕭規曹隨効人人之言也願學
少陵時出苦語其祖解元可齋方伯懷萃禮部東麓刑
部南宮皆著功名爲一代賢臣其尊人允昌翁抱遺經
負俠節平時彈琴讀書多善本又多蓄刀圭以起羸弱
在裝有舊館人婦羅襖抱子墮城下幾徂矣幸見翁以
畜裁之經年乃歸他行誼類此

金華詩錄盧慎旃本世家子嘗取歷代詩人緒論及其
舅氏所傳錄成詩論二卷又選古詩唐人詩曰正葩其
選明詩緒蓋以漢魏而下至唐人爲正宗

而明人能承其緒也皆小楷細書藏于家

寒食北上道中眺北山爲余向時讀書處

寒食東風一鳥啼羣峯夾路望中迷娟娟深翠遙分嶺曲曲
殘流盡抱溪乳竇石盤青箬引老僧蒲屋白雲齊還期登隴
看山色月靜樓空冷故樓

子夜歌

別儂去何所春風莫輕覓鷺鷥雪上飛歷歷有行跡

林兆斗

字天杓永嘉拔貢生

溫州府志兆斗性穎慧好古其制義及古文詞無不淹博精貫著作甚富兼工書翰雅有三絕之稱選貢入都王宗伯揆何給諫金蘭以西曹記室薦辭不就歸而杜門讀書吟詠自適世號九山先生

金山寺

鐵甕城西渡金山石一拳波開忽有地江迴欲無天
蜃吐經臺出龍依佛座眠

翠華新駐蹕

宸藻耀千年

寺中有書江天一覽額

山齋卽景

山市暮烟合歸樵小徑通鐘來蒼樹外客話翠微中
夜色能兼月秋聲不獨風懷人人更遠離索思無窮

江邨夜發

兩浙輶軒錄

卷十二

林兆斗

接水天爲鏡，浮沙月似眉。潮來聞語亂，風定進帆遲。露意林蟬得，秋聲岸葉知。白蘋無限冷，中夜惹鄉思。

桐江舟中

路入桐江水，扁舟犯浪行。片帆輕百里，一日度三城。岸挾羣山走，灘兼亂石鳴。榜人渾不覺，猶作喚風聲。

孤嶼次施愚山先生韻

海闊孤峯小，江空落照閒。僧居鮫室裏，佛坐蜃樓間。塔湧疑無地，潮來欲動山。腥風何處起，應是鉢龍還。

方川宿何會已書屋卽事

高士幽棲萬事閒，別開書屋對花關。地如杜甫東西瀼，人是何家大小山。山岫斷雲來几上，隔溪寒酒響林間。酒闌翦燭談深夜，遠浦漁舸載月還。

陳祺昌

字吉大號夢野仁和人康熙辛未進士官直隸大名知縣

湯禮祥曰先生嘗分校北闕所取士有鄉廷儀顧嗣立等時稱得人後被議家居閉門課子詩宗蘇陸書摹董華亭老輩風流不易觀也

龍泉溪行

雲山疊疊鴈成行
溪水悠悠路正長
幸際昇平無盜賊
但虞荒僻有豺狼
蘆花明月三更白
客鬢秋風一夕蒼
千里故園人不見
獨憑清夢到江鄉

月夜行舟

耿耿銀河映碧空
危檣微漾綠波中
遊魚觸浪翻殘月
宿鳥驚帆落細風
清世不煩關柝警
曠懷堪與水雲通
倦來一枕還家夢
睡起篷窗日已紅

漫成絕句

南里先生古逸民筆牀茶竈未離身鶴書只作浮雲看不遣

江湖間散人

姜

澣字若水象山歲貢生著行瓢集

梅花嶺弔史閣部

神州萬里逼烽烟慷慨行臺誓旅年半壁難憑四鎮力良宵
愁打五更天春殘燕子拋箋曲雪壓梅花冷墓田爲問舊衣
冠在否招魂夜夜聽啼鵲

王雲路

字景行遂昌諸生

陳世修曰景行少嗜學長而授經家塾中數十年余
搜羅平昌詩集半出其篋中爲錄其詩以傳其人

梭溪

行行溪逕遠梭擲一扁舟地僻村皆古山深暑亦秋亂泉聲
入碓老樹影遮樓客路千峯外吟情向此留

朱鴻增

字長任號范菴瑞安人康熙癸酉舉人著半霞樓詩草

瑞安縣志鴻增老成端慤學問淵深引掖後進月旦不爽一時出其門者多知名士

冬杪望日至無錫

春風疑到錫山旁月下收帆向曲塘燈火千家喧夜市炊烟幾點出歸航舞看廣陌吳兒戲殘理篷窗少婦粧旅況鄉思渾不覺惠泉酒熟正堪嘗

顧悅履

字丹宸號秋崖海寧人康熙甲戌進士一甲第三人及第由編修官至內閣學士

送陳乾齋房師扈從北征

聖主臨邊塞良臣贊遠圖鋒鋌雷電肅旗幟日星殊萬馬銜金勒千軍掛月弧高文煩勒石拜手頌

神謨

曹三德

字安道號日亭海鹽人康熙庚辰進士官內閣中書著東山偶集

同所詩千卷
卷十二
姜漢生書
朱鴻增題
顧悅履書
曹三德書

過語水

一雨結寒綠孤篷泊語溪烟圍城角冷水擁市橋低人影黃
花外秋情紅蓼西離家才百里鄉夢轉淒淒

張

鉞

字鼎重號雲岑會稽人康熙丙戌進士官商水知縣著會心樓集

浙江通志鉞爲元祚曾孫守家學博極羣籍覃思研究與同郡金赤蓮燭史華清許宋長白俊爲越中四子令商三年有惠政蝗不入境歸主稽山書院出其先世南軒論學之藴以示人多所造就

偶閱介甫謝公墩詩漫成一絕卽用其韻

大臣風度領朝班何事爭名水石間高臥尙能安晉室半山
那得比東山

仇廷模

字宏遠號季亭鄞縣人兆鼐子康熙辛卯舉人官臨鄉知縣著拾餘齋稿

卽亭劇贈

二月鶯花正好春園林景物一時新武陵別有神仙宅未許

漁人來問津

楊景鍾

字祖嘯號瘦仙海寧監生
雍正從子著修吉齋集

廿里松

離城二十里當路一株松古岸寒濤落晴郊綠霧濃無心迎
過客獨立寄孤踪鱗甲長留在盤桓好住節

鄒直夫

字古愚號魯齋海寧
歲貢生著所見集

我聞集曾齋壯遊京師鎮國公延館於承夢軒著有左
傳直解又客莊親王邸館于來復齋每賦詩王爲擊節
臨高麗國入貢人乞詩盡以所作付之故
流傳絕少從子石塘搜羅散逸名所見集

途中示潛發

與爾同爲客三千里外行易添衣上淚難得旅中晴顏狀奔
馳老關山歲月驚寒雞斷鄉夢策馬話分明

沈周世

字是怡海寧
人著柿畦詩

折蘭軒錄卷十二

張鉞仇廷模楊景鍾鄒直夫沈周世

三

柳影

搖曳春魂上碧隄不隨絮影亂沾泥半疎半密窺鶯眼疑雨
疑晴送馬蹄遠水暗遮游舫外夕陽澹寫畫橋西累他少婦
樓頭望愁指茫茫烟樹低

陳

善

海寧人

秋九遊韜光菴步白香山韻

爲訪韜光勝來過惠遠家雲根寒似竹霜影瘦於花密窺分
泉乳齋厨供蕨芽僧開畱客久頻喚趙州茶

周

敬

一名恢字柯雲海寧人

俞寶華曰周敬能詩善書性任誕晚益狂人目爲狂秀
水朱彝尊特賞識之曝書亭集中三潭采蓴聯句敬與
焉

送春

只爲送春無處訴一番沈醉禽離情恰上小樓紅日晚柳花飄蕩過重城

章

達

字延三號南垞海寧布衣

汪淮曰南垞無志功名老於詩酒善鑒古器書畫精隸書與鄒石塘諸人友善

苦雨次周子芑遺韻

風雨催春苦未休才添濃漲入溪流閒花匝地紅飄淚芳草連天碧鎖愁漠漠煙痕迷楚渡濛濛樹色隱山樓眼前陰翳何時掃擬趁晴光十日遊

鄒

淳

字厚源號石塘海寧人著草間吟

早起聞雁

一片寒聲起長空送雁羣叫殘沙渚月衝斷嶺頭雲曉怨如相訴秋情不可聞炎涼異南北何事往來勤

錢

枋

字爾載又字改齋桐鄉諸生著南村長圃詩

梅里詩輯改齋爲明大理卿貢元孫腹笥便便雅負經濟遊歷四方傾貴公之座嘗爲當湖陸清獻公幕客其人品可知矣詩取直達胸臆無雕鏤摹擬之煩亦工聯體李布衣分虎詩戲言徐庾是前身爾我同誇麗句新亦識壯夫輕小技爲傷宮體絕千春謂改齋也

議葬柏園兄於松陽

風流悲頓盡一慟未憑棺當世才名在無家卜兆難師儒延俎豆弟子拜衣冠孝友平生事荒碑亦可刊

羸博觀公子桐鄉葬嗇夫昔賢成往事遺愛是前模風雨三江隔春秋一飯孤憑將數行淚霑灑樹應枯

陳衷愿

字童子鄞縣歲貢生

袁鈞曰陳衷愿爲明瑛子父戍遼陽三征省問沿途賣字以前父歿扶柩歸過江遇颶風舟幾覆衷愿仰天呼號反風順流而濟人以爲孝行所感云

瑞雲山

一徑歷翠微珠嶼足閒眺策杖度危橋人影澹斜照古木何
疎疎村煙冒蘿葛歸鳥羣飛鳴啞啞聲相肖寒泉響琤琮和
以蘇門嘯

開我屋後窗山色攬盈袖雪中一樹梅春來發依舊枯藤掛
女牆苔荒石痕皴夜夢入寒香詩情若爲瘦

溪風吹我寒六月不知暑時與蒼顏翁坐石相笑語風月佳
主人請爲歌白紵歌罷忘成年山深卽太古

祝懋誠

字中完號是夫海寧貢生著金箕子遺稿

陳焯曰是夫嗜學好古博通
于史晚尤肆力於詩古文

登占鰲塔望海同陳硯洲作

潮翻百丈晝冥冥薄暮風高響塔鈴萬弩未全驅罔蠓孤標

猶自鎮滄溟同臨鼇背雲根動爲逼龍宮雨氣腥我欲憑闌
吹鐵笛與君長嘯海天青

孟鵬苞

字西明會稽拔貢生官教諭

賦得蜡華烟雨送友

蜡山華注秋迢遞秋雨冥冥海天際疑有仙人中往來寒雲
變幻縮其地與君昔踏蒼崖上天風振袂憑遐賞丹竈花深
不見人華泉苔閣猶聞響君今策馬山之東眼前離合愁何
窮別來知否登樓客相望秋陰暮靄中

陳

昭字德符海寧人銓子考授州同知

初夏卽事

春色雨中去殘花庭外香草心依舊綠梅子未全黃冷暝輕
衫覺陰晴短屐忙村居無箇事隨意問蠶桑

陳允恭

字六豐號南麓山陰人康熙甲戌進士由編修歷官左通政轉左僉都御史

陳鴻壽曰南麓先生立朝清介諫諍有聲典武江西山西兩省皆以得士稱著有蟲魚擷芳北園春明諸集

初秋遊陶然亭書懷

形拘想遐矚地勝多良遊高臺試騁望極目曠以幽
藏果鳳闕迴澗潏龍泓流亭虛納萬井檻曲羅層邱葭
蘼白波暗嵐嶺蒼烟浮金商厲西氣銀漢橫清秋坐
令塵抱盡頓覺煩痰瘳嗟余性寒劣許國身淹留故
山遡難去卽事空懷憂蕭疎齒髮脫崩奔歲月適
猿鶴真我怨沮溺難爾儔冲襟徒耿耿延景悵悠悠

登仁壽寺閣

香閣俯巖城秋烟籠遠樹蟲蠹嵐嶺明戢戢人寰聚
馴鶴棲寶龕孤雲宿簷柱心空悅天遊目接傾圮趣
何當理笙鶴長

兩浙輶軒錄

卷十二

孟憲菴陳珪陳泰

美

嘯脫塵污

晚思

銅瓶注秋水的
饒涼花紅虛砌夕陽滿晚蟬槐巷空默坐集
萬慮短景生悲風物意就衰歇懷人隔暮鐘

墜馬書警

越客不騎馬燕客不刺舟所慘非所習往往生悔尤少壯事
馳突老骨無輕柔人馬未調習顛仆那免羞下堂有傷足昔
賢懷深憂奔車無完轂平地有摧輶出險卽前鑒敗局皆良
籌愧匪千金軀敢不瘳前修

八月十二日熊東湖學士招同繆湘芷家滄洲緘菴小
飲澄齋次湘芷韻

元雲散遙岑紫翠聳山骨九衢霖潦收一笑失溟渤秋空霽

色住清景在林樾胡爲困官事不暫解管勞身隨車馬塵夢
逐雲水窟窟招辱疇曩野興入門發新篁雨餘活高蟬風外
歇形骸忘爾汝肝膽非楚越時平賤竹帛才薄謝旄鉞尚能
建靈旗酒兵任衝突柰何拘墟人動若朝魏闕况逼三五夕
青天流素月飲酒不盡石流年侮白髮癡非秋後蠅健似雲
中鵲誰甘老伏櫪棧豆自嚙齏百年一俯仰愚聖同泪沒與
酣懦氣奔蹄路忘泥滑歡樂非少壯竭來空兀兀

示客

紅燭青尊夜蒼顏白首人歡場殊草草老境太駸駸過眼百
年疾當筵一笑新惟君諳世故應識老夫真

秋夜對酒

病木葉先脫寒宵漏漸長年光秋後急故態酒邊狂月曉星

河白霜清橘柚黃鄉山渺何處歸夢隔湖湘

和濂村歲除前一夕有感題家書後

流年赴壑祇須臾殘臘無情足嘆吁老悔生涯託鉛槧早思
身世落江湖娛親祿薄承顏少報國心殷作計迂亦擬飛書
問羣從群主蓬蒿定荒蕪

夏日雜詠

世路驅馳劇馬牛五陵無復少年遊都言故我非今我那識
朝愁續暮愁好酒難供千日醉腐儒空抱一生憂麟鳳閭
鴛鴦舊浩蕩還應笑白鷗

陳廷綸

字訓齋號詭江山陰人允恭弟康熙庚辰進士官吏部文選司郎中出知華陽縣州知府

陳鴻壽曰廷綸先生學林淵博康熙時試六科給事中及部郎詩文稱

皆取第一

賜御製詩松花石硯以爲榮著有慎餘堂集

邯鄲道中題壁

道是醒時轉未真醒來仍是夢中身不如不待黃粱熟富貴
依然夢裏人

過武勝關宿小河司次壁間張平山先生韻

萬里衝炎返舊鄉山程登頓漸相忘車逢礮石熟無碍路轉
烟叢遠不妨高嶠破雲分楚豫巖關設險戰隋唐故人山店
題詩存縮地何由共舉觴

讀史感郭解事

家可棄不可徒身可戮不可辱子哉鄙夫擅威福慷慨結客
客莫忤之子謗言觸其怒舌彼斷身彼仆睚眦殺人死不顧
殺人以酬恩恩酬人未知結客以族身身族復何爲君不見
俠烈名傳天下聞黃金意氣如秋雲平原寂寞春申死雞鳴

狗盜徒紛紛客殺人身亦虜彼客殺人原爲我有客酬恩死
得所嗚呼任俠結人身卒死任俠之人乃如此用是今人碌
碌爾

春晚友人小集

一瓶臘酒折泥香偶有閒情喚客嘗痛飲正關吾輩事浮生
空笑世人忙眼看春色三分老坐覺清宵一倍長意氣飛揚
語嘲雜尊前忘卻是他鄉

中秋夕泊桂花塘

無端千里客贏得一宵秋煜煜星疑墮瀟瀟葉自流天空雲
上下江淨月沉浮寄語家人道新盟狎野鷗

河北懷古

半載來迴似轉蓬江山閱歷此行中大河南北陵原舊歷代

君臣廟祀同絃誦未忘戎馬氣衣冠不作綺羅風
寒幃懷古真閒事我亦人間印雪鴻

湘江舟夜

楚天如夢客星孤又卸凌風十幅蒲
緇罷重看書數卷傾完欲醉酒三觚
月明不見橫江鶴夜靜惟聞縱壑魚
幸有蘭舟桃葉在不教渺渺賦愁予

沈樹槐

字植庭號荔洲歸安人涵子康熙壬午舉人仁和教諭

吳興竹枝詞

菱葉翻翻菱蔓長晚來蕩槳出橫塘
采菱齊唱鸞鸞月吹起蘋風隔岸香

李士模

字叔範鄰人

今世說李叔範初讀書及兄叔則補諸生有名叔範遂讓長兄使專治經史而身任經營內外已承父命使分

其下者叔則亦曰吾家一區一廬並吾弟所益吾當受
其下者兄弟交讓不置里中聞者競嗟歎至以名
呼曰李氏兄可爲懷弟可爲惜一時傳爲嘉言

苦雨

水沒平隄直到門家家煙火溼雲屯入春總賦愁霖何何夜
能開對月尊巢冷未聞鳩喚婦士膏每見竹生孫天工莫罄
滂沱勢阻瀉他時穰稔村

裘

璉

字殷玉慈谿人康熙乙未
進士改庶吉士著橫山集

袁鈞曰裘璉爲兆錦孫才思敏捷作詩古文詞對客據
案立盡數紙或中夜有得然燭書之家貧賣文自給困
場屋者五十餘年迨成進士官庶
常年已七十許矣未幾致仕歸
戴璉曰大興舒大成年十八康熙壬辰入翰林乙
未同考得裘璉年七十餘時舒尙未婚傳爲佳話
顧桐曰太史博學嗜古淹貫經史詩宗長慶元和
和爲高文恪所推重尤工詞曲年老卒于京師

春懷

孤城薄暮散晴煙，孤客逢春眺遠天。
山耐長看添樹好，花因易謝得人憐。
非關病肺新疎酒，多爲牢愁愛早眠。
三楚欲畱王粲老，登樓莫遣聽啼鵑。

夢謝對越賦寄

夢回愁不去，燒燭看君詩。吟到懷人句，依然載酒時。
山城黃葉早，海嶺白雲遲。翹首關山路，含懷未有期。

暮眺

多少傷心處，孤帆夕照斜。別來湘水濶，夢去楚山賒。
雨綠寒塘草，風香野岸花。浪遊司馬意，不是爲無家。

春日同謝全者昆季登招寶山

峻門自昔稱天險，此日登臨混大荒。
百谷朝宗雄瀚海，千山出沒近扶桑。
高樓杯酒來春色，畫角孤城報夕陽。
漫道浮沈

下
今古事歷光極目正蒼茫

秋山

長自登山發浩歌層崖一望鬱嵯峨斜陽飛雁三峯杳落葉
寒蟬九曲多謝朓每憐新雨歇陶潛時愛暮煙過幽人此外
無欣賞欲采黃花奈晚何

鄭

渠字漢莊落
谿人梁弟

仲冬

風和日暖已經旬淑氣旋回物象新乾鵲當窗聞自噪遠峰
對月澹逾真折梅欲寄江南客溫卷應憐硯北人漫擬明年
春色好何如歲暮不愁貧

錢

煥字蔚宗號愚谷嘉善
諸生著息深齋集

李方湛曰錢煥爲楞次子楞殉山寇難煥淖礪爲學
與兄焄稱二難子以世官粵東慕羅浮勝一遊而歸

和閔紫階學博山居春興

只合山居好，枯筇可獨攜。
凭闌看采藥，抱甕倦聞雞。
野樹連雲合，春田帶雨犁。
餘寒猶未盡，半夜嶺猿啼。

沈

岑

字時公錢唐監生

雲鰲齋詩話：上舍著書等身，遊京師，主仁和湯少宰家少宰撰詩，文嘗有典故，記憶未清者，詢之上舍，應聲而對，無或遺忘。工四六清新，典麗論者，謂善卷思綺而後當推一作手竟以窮死，同人醵分飲之，無子。

陶然亭小集

葦花如雪水如天，風景西溪都宛然。
樹裏人家秋入畫，城頭

山色澹于烟。破除鄉思鵝兒酒，粧點新聞燕子錢。

水邊有網燕者，買得

數十放之一雙，數錢謂之燕子錢，亦新語也。

羨爾紅樓消息斷，開籠猶得去連翩。

沈光祀

字明東，錢塘人。

出郭

出郭吟秋路不遙西風吹鬢雪蕭蕭寒山影裏尋茅店流水
聲中度板橋岸斷已添新鱗舍池乾猶插舊魚標江南宋玉
多愁客搔首長天向次寥

盪水石

在曹溪

象嶺鬱盤紆曹溪遠溶漾風濤相吞吐水石互摩盪底柱當
中流勢激春湍漲宛如灩澦堆屹立瞿唐上中虛石罅通倒
吸兼天浪瀾翻避其衝渦轉溢其肮此下乃龍湫淵深不可
量崇朝雲雨來奮地雷霆壯鼙鼓鳴江潭鯨鐘響崖嶂砰訇
怒未平撞春力相抗怪石踞其旁爭雄不多讓爭蹲伏虎形
蜿蜒臥龍狀前通招隱巖遙隔青松障伏流貫其中奔騰苦
不暢泉石頗幽奇林巒亦清曠涉趣不知還臨岐一怊悵

翁必遠

字超若錢塘人著桐村集

落花

我亦江南搖落人
絛花吹盡倍沾巾
忽開忽謝經三月
多病多愁過一春
黯黯獨悲空外影
茫茫都是夢中身
殘香冷豔東風晚
腸斷陳王賦洛神

答俞璵伯見詢

落魄奈君何
長歌復短歌
風塵天地老
湖海水雲多
病久存華髮
情深在綠蓑
瑤琴何日奏
招我入烟蘿

孫忠楷

字獻葵錢唐人治子著聽松樓集

野興

郭外行人少
村居維布衣
看梅春結果
坐柳夏成圍
天地藏吾拙
山林任鳥飛
幽栖吾所願
此地可忘機

西江懷王雒榮

飄泊寒霜日憶君豫章城下嘆離羣龍歸彭蠡全依霧雁落
章江半度雲白首放歌思阮籍清尊抱病苦休文每憐同學
南山寺松桂蕭蕭坐夜分

諸壁發

字楚貞仁和人虎男
長子著硯香齋詩

毛際可序略曰余友諸子虎男與兄駿男以詩名西陵
幾有機雲之目其長子楚貞少嘗執贄于余方在舞象
時辛巳春偶游白下楚貞以詩見質已哀然成集問其
年則竟逾三十矣簞燈讀之神姿雋婉如石上清泉春
初新柳至其食貧四方感慨歷落則又如俊體之
乘風而擊寒蟄之咽露而悲蟄蛟之間雷而怒

題壁

未荒三畝宅僻處近城隅歲月留狂客江湖老腐儒陶詩惟
詠醉柳谷合名愚春意貧家早寒梅點綠蕪

雨中送春

雨窗春暮似深秋雲樹烟花景倍幽長得清閑因善病久疎

檢校爲多愁小樓遠眺山初綠野澗新添水欲流明日忽忽
交夏日一年好事尙誰留

丁詠淇

字輩濱錢唐人著
論詩絕句五十首

自序略曰論詩絕句發源于杜陵衍派于遺山疏論決
排于漁洋堯峯迦陵余杜門閒居耽情吟味竊欲爲茲
道推波助瀾盡測所及得詩五十首

論詩絕句

承旨才華比李蘇虞楊范揭莫能逾閨聯才偶真同調坐對
賢兒悵異趨子昂在元時比之太白東坡松雪才技擅絕一
代不免濫坐于乃兄可知才高終不如節高也
山川日月鎮常新天地元首自不湮繡出鴛鴦教細看金針
度與慧心人鴛鴦繡了從君看莫把金針度與人余以爲
遺山客教矣作此轉語戲爲元先生解嘲

嚴曾采

字庶華餘杭
人沈第五子

哭大妹沈少君詩

妹名曾杆
歸沈時習

兩浙輶軒錄

卷十二

諸賢發丁詠淇嚴曾采

望

嗟余早歲失慈顏形影相依苦共憐縱令弟昆無恙在未堪
一痛絕隨肩

賦得蘋蘩夢已殘祇今應識命名難如何霜落風濤夜青女
仍歸駐廣寒

倪

廉字公介
仁和人

雪霽古直結蒼過宿旅齋同賦

貧巷荒齋寂荆扉晝掩時冷吟依宿火軟語把深卮雪淨鴉
歸晚泥融馬到遲夜寒眠不穩燒燭共論詩

謝聖堅

字寄菴錢唐人
晉西湖竹枝詞

吳曰縫序略曰余舅氏幼承家學所居故里名鐵冶嶺
即廉夫先生栖隱之地湖山環抱胸次固自不凡東髮
後讀書南屏龍井諸古剎蕭然雖戶者百年壯而遊
凡名山大川足跡幾徧形之吟咏集夥矣家弟尺鬼好
學嗜古因編輯竹枝一體計若干首

碧谿詩話謝審菴西湖竹枝詞二十首康熙辛巳刊行
子從趙晉齋家見之跋刻本尙有秦淮蘇臺鑑湖等竹
枝詞合爲五十餘首

西湖竹枝詞

天桃穠李燦花朝畱得風光是柳條四十年前歌管地秦樓
真接定香橋

湖上春風拂袖輕湖邊遊女踏歌聲聲盡是相思曲驚起
鴛鴦睡不成

朱有志

字浩齋錢唐人
著因樹屋集

碧谿詩話浩齋本故家子三歲失明聞人讀書過耳輒
成誦遭家難貧賣卜市中初未詳其所居室廬既繁
一還東郭外再遷安樂橋東三遷麒麟街北生順治甲
午其詩盡雍正乙卯年已八十二矣生子四孫二皆從
集所知之詩不甚工然頗多傑句以失明之人惟事耳
聞強記年十七卽成詩可謂難矣今紀太史昀爲作序
書於別冊併其遺稿藏於吾友楊
尹亭家尹亭從敬篋中搜得之

兩浙輟軒錄

卷十二

倪廉謝墨聚朱有志

四

夏蓋菴謁雪上人夜坐得山字

避暑尋幽小逕穿夕陽攜杖叩禪關浮光縹緲錦風經水倒影
頽金日墮山酒債詩盟終歲冗青鞋白衲幾人閒雲深忘却
來時路好趁漁燈過綠灣

茗中訪弟不遇

天空一雁幾時回黃鵠孤飛暮自哀翠苑鶯啼斜月柳絲陰
蟬噪晚風槐山分兩目茗溪出地接三吳震澤開不似扁舟
歸隱意斷鴻汀畔溯紫洞

兩浙輟軒錄卷十二